

Parlament Federacije BiH

Predstavnički dom Parlamenta Federacije BiH

Klub zastupnika DF-GS

Sarajevo ,juni 2019.godine

REPUBLIC OF BOSNIA AND HERZEGOVINA
FEDERATION OF BOSNIA AND HERZEGOVINA
PARLAMENT FEDERACIJE
SARAJEVO

Datum: 14-06-2019		Prilogi: Vrijednost:	
01-	02-	1239	119

8x

Parlament Federacije BiH

Predstavnički dom

n/r Predsjedavajućeg PD Parlamenta F BiH

Elvir Karajbić

U skladu sa članom 172. Poslovnika o radu Predstavničkog doma Parlamenta F BiH podnosimo u parlamentarnu proceduru:

Prijedlog

Zakona o izmjenama i dopunama Porodičnog zakona Federacije Bosne i Hercegovine.

Molimo Vas da tekst Prijedloga Zakona uputite Vladi Federacije BiH radi dostavljanja mišljenja.


U prilogu Vam dostavljamo tekst Prijedloga zakona.

S poštovanjem!

Klub zastupnika DF-GS

Predsjednica Kluba

Alma Kratina





**DEMOKRATSKA
FRONTA**

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
KLUB ZASTUPNIKA DF- GS

(PRIJEDLOG)

**ZAKON
O IZMJENAMA I DOPUNAMA PORODIČNOG ZAKONA
FEDERACIJE BOSNE I HERCEGOVINE**

Sarajevo, juni 2019.godine

**ZAKON
O IZMJENAMA I DOPUNAMA PORODIČNOG ZAKONA FEDERACIJE BOSNE I
HERCEGOVINE**

Član 1.

U Porodičnom zakonu („Službene novine Federacije BiH“, broj: 35/05, 41/05 i 31/14) stav 2. člana 258. mijenja se i glasi:

(2) „Bračni ugovor sklapa se u pisanom obliku, a potpisi bračnih partnera moraju biti ovjereni od strane notara.“

**OBRAZLOŽENJE
ZAKONA O IZMJENAMA I DOPUNAMA PORODIČNOG ZAKONA FEDERACIJE
BOSNE I HERCEGOVINE**

I. USTAVNI OSNOV

Ustavnopravni osnov za donošenje ovog zakona sadržan je u odredbama člana IV. A. 20. (1) d) i člana IV. C. 3. Ustava Federacije Bosne i Hercegovine. Naime, prema odredbama člana IV. A. 20. (1) d) Ustava Federacije BiH, Parlament Federacije BiH nadležan za donošenje Zakona o vršenju funkcije federalne vlasti, a članom IV. A. 20. (1) d), propisano je da pravila postupka potrebna da bi se osigurala jednakost u postupanju kao i osnovni principi pravičnosti u postupcima pred sudovima i organizaciji svih sudova bit će utvrđeni zakonima Federacije. Te dijelu III Ustava Federacije član 2. tačka e), koji normira da je federalna vlast i kantoni nadležni za donošenje zakona i propisa iz oblasti socijalne politike.

II. RAZLOZI ZA DONOŠENJE

Prema Presudu Ustavnog suda Federacije Bosne i Hercegovine broj: U-22116 od 06.03.2019. godine utvrđeno je da član 258. stav (2) Porodičnog zakona Federacije Bosne i Hercegovine („Službene novine Federacije BiH“, broj: 35/05, 41/05 i 31/14) nije u skladu sa Ustavom Federacije Bosne i Hercegovine. Ustavni sud Federacije naveo je da je inače opravdana i neophodna briga zakonodavca za sigurnost pravnog prometa i pravnu sigurnost pravnih subjekata u privatno-pravnim odnosima. Sud naročito navodi da je groženo pravo na jednakost pred zakonom onih pravnih subjekata koji, uprkos svojim kvalifikacijama, verificiranim znanjima i vještinama, ne mogu više raditi ono što su, kao stručnjaci, ranije mogli, a što se, opet, ne može odvojiti od njihovog profesionalnog integriteta.

III. OBRAZLOŽENJE PRAVNIH RJEŠENJA

Odredbom člana 1. se normira forma bračnog ugovora, koja bi u slučaju nepoštivanja presude Ustavnog suda, odnosno isteka roka od 6 mjeseci od dana objavljivanja presude, dovela do pravne nesigurnosti i povećanja sudskih sporova u oblasti imovinskih odnosa bračnih partnera. Određivanjem forme bračnog ugovora na ovaj način izvršava se presuda Ustavnog suda Federacije Bosne i Hercegovine u smislu da za sklapanje bračnog ugovora nije više nadležan samo notar, te se omogućava pravo na jednakost pred zakonom svim licima koji u skladu sa svojim vještinama, kvalifikacijama i znanjima mogu raditi.

Određivanjem da notari moraju ovjeriti bračni ugovor osigurava se da oba bračna partnera potvrde da je potpis na ugovoru njihov, kako ne bi došlo do zloupotreba od strane jednog od bračnih partnera.

IV. FINANSIJSKA SREDSTVA

Za provođenje ovog Zakona nisu potrebna dodatna finansijska sredstva iz budžeta Federacije Bosne i Hercegovine.

Podnosioci prijedloga

Klub DF-GS